

**KENYATAAN MEDIA**  
*Untuk edaran segera*

**5 LOKASI MEMANCING TERBAIK DI SELANGOR-**  
*Berita Gembira untuk Kaki Pancing!*

*“Memancing bukanlah untuk melarikan diri dari kehidupan, tetapi ia lebih mendalam dari itu”.* Sebuah kepuasan sememangnya dapat dirasai apabila berada dalam ruang udara yang terbuka. Menjadi seorang kaki pancing mengajar anda untuk menjadi lebih disiplin, fokus, dan berdedikasi. Disini kami kongsi, 5 lokasi terbaik untuk aktiviti memancing di **Selangor**.

**1) Tanjung Harapan, Port Klang**

Tanjung Harapan yang juga dikenali sebagai 'Cape of Good Hope' terletak di Pelabuhan Klang, Selangor. Ia adalah pantai seluas 2km yang bersempadan dengan Pelabuhan Klang Golf Resort dan merupakan sebuah oasis yang tenang di tengah-tengah kawasan perindustrian dan terminal perkapalan yang sibuk. Tanjung Harapan juga merupakan tempat yang sangat cantik untuk menyaksikan matahari terbenam sambil memancing. Terdapat banyak jeti yang berada di sepanjang persisiran Tanjung Harapan dan bayaran yang dikenakan bergantung kepada pemilik jeti. Sea Lion dan Jeti Pak Harun adalah antara yang terkenal di kalangan kaki pancing di Selangor.

**2) Pulau Ketam, Port Klang**

Pulau Ketam adalah sebuah pulau yang didiami majoriti berbangsa Cina dari kaum Teochew dan Hokkien. Pulau ini adalah pulau bakau yang dikelilingi oleh kawasan berlumpur yang rata. Terdapat empat perkampungan nelayan yang terdiri daripada Perbandanan Pulau Ketam, Bagan Teo Chew, Sungai Lima dan Sungai Dua. Untuk ke Pulau Ketam anda perlu menaiki feri dari jeti Pelabuhan Klang. Harga tiket sehalu adalah RM10 untuk dewasa dan RM6 untuk kanak-kanak, manakala RM18 untuk

**Cari kami di :**

dewasa dan RM10 untuk kanak-kanak bagi tiket dua hala. Salah satu penyelia feri adalah Alibaba Pulau Ketam Cruises yang memulakan operasinya dari 7:30 pagi hingga 7:30 petang pada hujung minggu dan 7:30 pagi hingga 6:30 petang pada hari berkerja. Selain daripada memancing, anda juga boleh bersiar-siar di sekitar Pulau Ketam dengan menyewa basikal pada harga RM5 sehari dan juga boleh menikmati makanan laut yang segar dijual di restoran berhampiran jeti Pulau Ketam.

### **3) One Fathom Bank, Kuala Selangor**

One Fathom Bank yang terletak di Kuala Selangor ini juga dikenali sebagai Pematang Sedepa. Terdapat dua One Fathom Bank Lighthouse yang lama dan yang baharu-keduanya menghadap antara satu sama lain. Pengunjung kebanyakannya datang ke sini dalam kumpulan untuk aktiviti memancing dan menikmati pemandangan yang menakjubkan dari One Fathom Bank. Untuk sampai ke sini, anda perlu mengambil bot dari jeti Pelabuhan Klang atau Tanjung Harapan dan kosnya bergantung kepada bot dan syarikat yang menawarkan penyewaan bot.

### **4) Pantai Jeram, Kuala Selangor**

Pantai Jeram adalah pantai tepi laut yang sangat terkenal dengan pengunjung yang datang ke sini dalam jumlah yang besar semasa hujung minggu dan cuti umum. Pantai ini adalah sepanjang 2km dan terdiri daripada pasir, batu dan kerang yang diwarnai oleh banyak pokok Casuarina. Pantai Jeram telah menjadi salah satu kawasan pelancongan utama di Selangor. Kebanyakan kaki pancing akan mencuba nasib mereka dengan membuang umpan ke laut dengan harapan untuk mendapatkan beberapa ikan untuk dibawa pulang. Pantai ini menyediakan fasiliti yang ideal untuk bersiar-siar dengan tenang dengan suasana yang berangin dan santai.

### **5) Pulau Angsa, Kuala Selangor**

Pulau Angsa terletak di luar pantai Kuala Selangor. Ia adalah pulau hijau yang subur dan memegang banyak sejarah bangsa Bugis yang merupakan peneroka awal di situ. Mengambil masa 2 jam dari Shah Alam ke jeti Pangkalan Jeram (Medan ikan bakar).

**Cari kami di :**

Anda perlu mengambil bot untuk pergi ke Pulau Angsa. Terdapat sebilangan nelayan yang boleh membawa anda ke Pulau Angsa, akan tetapi bayaran adalah bergantung kepada tetapan nelayan-nelayan tersebut, Ikan yang mungkin anda bawa pulang terdiri daripada ikan Fourfinger Threadfin, Mackerel Sepanyol, Golden Snapper dan banyak lagi.

Negeri Selangor sememangnya merupakan lubuk untuk aktiviti memancing. Banyak pengalaman bermakna yang boleh diperolehi semasa melakukan aktiviti ini. Namun, kita sebagai masyarakat masa kini perlulah memelihara alam sekitar agar pantai-pantai ini tidak tercemar.

*Untuk informasi lanjut, layari laman sesawang rasmi Tourism Selangor di **Selangor.Travel**.*

**-TAMAT-**

#### **Tentang Tourism Selangor**

*Tourism Selangor adalah cabang pelancongan Kerajaan Negeri yang ditubuhkan untuk meningkatkan bilangan pelancong tempatan dan antarabangsa ke Negeri Selangor dengan membangunkan keindahan dan keunikan tersendiri Negeri. Banyak inisiatif telah diambil untuk mencapai matlamat ini seperti menganjurkan kempen di peringkat domestik dan antarabangsa, mengadakan misi perdagangan pelancongan yang dilakukan di luar negara, melancarkan misi jelajah dan kembara, dan banyak lagi.*

**Dihasilkan oleh: Muhammad Afiq Dinie bin Nor Arzaimi**  
Jabatan Komunikasi Korporat  
[afiq\\_comm@tourisemselangor.my](mailto:afiq_comm@tourisemselangor.my)

***Untuk maklumat lanjut, sila hubungi:***

**Siti Norfadila binti Ab Wahab**  
Eksekutif Komunikasi Korporat  
No. Telefon: +6016- 2076957  
E-mel: [fadila@tourismselangor.my](mailto:fadila@tourismselangor.my)

**Ahmad Nazri Tashriq bin Rahmat**  
Pengurus Komunikasi Korporat  
No. Telefon: +6016- 2076951  
E-mel: [nazri@tourismselangor.my](mailto:nazri@tourismselangor.my)

**Laman Web Rasmi:** [www.selangor.travel](http://www.selangor.travel)

**Cari kami di :**

**Tanjung Harapan,  
Port Klang**



Diambil oleh [steemit.com](http://steemit.com)

**Pulau Ketam,  
Port Klang**



Diambil oleh [travadlive.com](http://travadlive.com)

**One Fathom Bank,  
Kuala Selangor**



Diambil oleh  
[sweetypink-leen.blogspot.com](http://sweetypink-leen.blogspot.com)

**Cari kami di :**

**Pantai Jeram,  
Kuala Selangor**



Diambil oleh  
[amir-bakhtiar.blogspot.com](http://amir-bakhtiar.blogspot.com)

**Pulau Angsa,  
Kuala Selangor**



Diambil oleh  
[httpakubizz.blogspot.com](http://httpakubizz.blogspot.com)

**Cari kami di :**